



CENTAR ZA OBUKU PASA ZA OTKRIVANJE MINA ZA
JUGOISTOČNU EUROPU

PLAN RADA ZA 2008.

Januar 2008.

Uvod

S ciljem očuvanja dosadašnjih dobrih rezultata koje je Centar za obuku pasa za otkrivanje mina za jugoistočnu Europu (MDDC) ostvario u prethodne četiri godine, u 2008. je također postavljen zahtjevan plan rada čija realizacija će pokazati značajnu ulogu koju navedena institucija ima u oblasti obuke pasa i korištenja službenih pasa u regionu jugoistočne Europe.

Aktivnosti MDDC će se odvijati ka očuvanju dobre saradnje sa svim institucijama koje u svom radu koriste službene pse, pri čemu će se i dalje posebna briga posvećivati obuci pasa za otkrivanje mina.

MDDC – Planirane aktivnosti u 2008.

Planirane aktivnosti u 2008. su, prije svega, usmjerene na obuku pasa za otkrivanje mina za programe deminiranja u Bosni i Hercegovini, Libanonu i Azerbejdžanu. Također će sa svojih 8 MDD timova¹ MDDC prema zahtjevima deminerskih kompanija raditi na zadacima tehničkog izviđanja, s ciljem reduciranja sumnjivih površina na stvarna minska polja.

U skladu sa navedenim, MDDC će svoje aktivnosti u 2008. fokusirati na slijedeće:

1. Nastavak saradnje sa članovima Koordinacijskog tjela za protivminsko djelovanje u jugoistočnoj Europi (SEEMACC).
2. Obuka pasa za otkrivanje mina za potrebe programa u jugoistočnoj Europi, Libanonu i Azerbejdžanu.
3. Obuka službenih pasa za potrebe policijskih struktura i drugih organizacija koje u svom radu koriste službene pse.
4. Organizacija seminara i obuka.
5. Promocija rada MDDC i unaprijeđenje saradnje sa donatorima.

1. MDD tim čini jedan pas za otkrivanje mina i vodič psa

1. Saradnja sa članovima SEEMACC

U skladu sa zahtjevima članova SEEMACC, MDDC je planirao upućivanje 4 MDD tima koji će podržavati deminerske timove na zadacima deminiranja na Kosovu.

Također, Centar za uklanjanje mina Republike Albanije (AMAE) je iskazao potrebu za angažovanjem 2 MDD tima iz MDDC, kako bi se osigurala podrška deminerskim timovima u Albaniji. Centar za uklanjanje mina Republike Azerbejdžan (ANAMA) pokazao je potrebu za obukom osam MDD timova koji bi zamijenili pse koje je ANAMA koristila u dosadašnjem radu, zbog starosti pasa.

Neke od dogovorenih aktivnosti koje će se realizovati u 2008. su slijedeće:

1.1 Upućivanje 4 MDD tima na Kosovo u periodu od aprila do novembra


1.2. Upućivanje 2 MDD tima u Albaniju u periodu od juna do oktobra

1.3. Obuka 8 MDD timova za ANAMA do novembra 2008.

1.4. Upućivanje MDD timova na deminerske zadatke prema zahtjevima SEEMACC članova u regiji.

1.5 Pomoć u izradi procedura testiranja MDD prema zahtjevu članica SEEMACC-a

Plan angažovanja MDD timova u 2008



2. Obuka MDD timova

Organizacija Marshall Legacy Institute iz USA, koja je i u prethodne dvije godine osigurala finasijska sredstva za obuku MDD timova u MDDC, u 2008. će osigurati finasijska sredstva za obuku 6 MDD timova za program u Libanonu, te 2 MDD tima za potrebe Civilne zaštite FBiH i RS.


MDDC je u prethodnoj godini izvršio selekciju i počeo sa obukom 6 MDD za potrebe programa u Libanonu.

MDDC planira obuku dva MDD tima za potrebe Civilne zaštite FBiH i RS. Obuka je planirana za drugu polovinu 2008. godine.

U skladu sa Memorandumom o razumijevanju, potpisanim 12.10.2007. između MDDC, ITF i ANAMA, u 2008. godini će MDDC obučiti 8 MDD timova za potebe Centra za uklanjanje mina R. Azerbejdžan (ANAMA). Selekcija pasa i početak obuke planiran je za drugu polovinu 2008. godine.

U martu tekuće godine planiran je završetak obuke 2 MDD tima za deminersku organizaciju Reaseuro, s kojom je MDDC potpisao ugovor o obuci MDD timova.

Obuka MDD timova u 2008



3. Obuka službenih pasa

Na osnovu ugovora između Ministarstva odbrane Bosne i Hercegovine i MDDC, tokom 2008. će MDDC provoditi doobuku 17 MDD timova Oružanih snaga BiH, koja će se vršiti kako bi se MDD timovi pripremili za testiranje koje provodi Centar za uklanjanje mina Bosne i Hercegovine (BHMAL).

Kao i u prethodnoj godini MDDC će nastaviti saradnju sa policijskim strukturama koje u svom radu koriste službene pse. Na osnovu potpisanog ugovora, MDDC će izvršiti obuku tri psa za potrebe policije Zeničko-dobojskog kantona i to dva patrolna psa i jednog psa za otkrivanje narkotika, te vodiče pasa.

Policija iz Tuzlanskog-podrinjskog i Unsko-sanskog kantona najavili su u 2008. početak saradnje sa MDDC, usmjerene na obuku službenih pasa za potrebe navedenih organizacija.

Plan obuke za pomenute organizacije pravit će se u skladu sa dostavljenim zahtjevima.

4. Organizacija seminara i obuka

U skladu sa zahtjevima deminerskih organizacija, MDDC će u tekućoj godini organizovati obuku za trenere/vođe grupe za pregiranje kako bi navedene organizacije mogle spremno dočekati deminersku sezonu. Takođe, MDDC će organizovati obuku za vodiče pasa prema potrebama deminerskih organizacija. Planirana obuka će se provoditi u prvoj polovini 2008. godine.

Zbog velikog broja zahtjeva dostavljenih MDDC-u i pokazanom interesu deminerskih kompanija, policijskih struktura koje koriste pse u svom radu, te oružanih snaga BiH i Civilne zaštite FBiH i RS, MDDC će kao i u prethodnoj godini će organizovati radionicu pod nazivom «Briga o službenim psima i njihova pravilna upotreba». Osnovni zadatak organizovanja pomenute radionice je sticanje novih znanja u radu i njezi pasa.

5. Promocija rada MDDC i unaprijeđenje saradnje sa donatorima

Kao i u prethodne dvije godine, u organizaciji Marshall Legacy Institute (MLI) i u 2008. godini će centar posjetiti donatori koji izdvajaju finansijska sredstva za obuku pasa za otkrivanje mina. Najavljena posjeta dokaz je dosadašnjoj uspješnoj saradnji MLI i MDDC i naporima koje je MDDC ulaže na promociji svog rada.

MDDC će i dalje nastojati zadržati interesovanje za svoj rad kod predstavnika US Department of State, Office of Weapons Removal and Abatement, najvećim donatorom u protivmivskom djelovanju u BiH i regionu jugoistočne Europe.

Također, MDDC će i dalje raditi na stalnom poboljšanju saradnje sa International Trust Fund for Demining and Mine Victims Assistance i Centrima za uklanjanje mina u regionu, te organizovati prezentacije za posjetioce koje uključuju demonstraciju rada pasa. MDDC će, kroz objavljivanje članaka u magazinima kao što je Mine Action Journal, predstavljati postignute rezultate i planove rada.

U 2008. godini očekuje se veći dolazak predstavnika Vijeća ministara BiH u MDDC kako bi se detaljno upoznali sa rezultatima rada i postepeno preuzeli finansiranje aktivnosti MDDC u skladu sa obavezama preuzetim potpisivanjem Memoranduma o razumijevanju, od 22.10.2002. godine između predstavnika Vijeća ministara BiH, US Department of State i ITF.